

EYN
KLAGGESCHRIFT
... AN ALLE STENDE
TEUTSCHER
NATION, WIE...

Wernher von Goldberg



Theol. 2012 709.12



807

W
Eyn klaggeschrifft des Ersamē vnd
wirdigen Herren Wernher von
Goldberg/pfarzer zu Speyer zu
sant Martin gewesen / an alle
Stende Teütscher nation /

wie vnformlicher weyß/ gāz geschwind
on erfordert einiges rechten mit ey-
gem tyrānischē gewalt vñ eili-
chen pfaffen vnd sren meg-
ten zu Speyer des stif-
tes s. Wyden / mit-
samt sren hel-
fern/an leyß-
er vnd
gūt
beschwert worden sey.

Eyn groß ding ist die warheyt vnd
starck vber alle ding.ij. Esdr. c. iij.

Außgedingt in meiner klag vñ predig alle from-
me priester der zeýt/wen sy aller eren werde seind/
daßey auch alles jr frum haußgesinde/wenn ich
das selb in keynen weg maynen will.





Allen vnd yeden Teütscher

nation Fürsten/Herren/Edelleute/Bürgern/
vñ gemeynem volck/was stands vñ wesens die seind/
Entbete ich Wernher von Goldberg/Priester Con-
stäger bischoff umb mein vñbehändig freündlich dienst
zuuor. Gnedige/Günstige liebe herren vñ freünde/als
ich in verschiener zeyt auß liebe vnd chustlicher war-
heit als ein vñwürdiger psarier vñ seelsorger zu Spey-
er gewesen zehen jar lang/ee dan die lere Doctor Mar-
tini Lutheri außgangen/vnd an tag kommen ist/wis-
sent dem gelerten vñnd gemeynen man zu Speyer/ge-
strafft hab mit meiner lere/als eynem frommen psar-
hern zimpe/geystlich vnd weltlich vmb ir vnformlich
leben ermanet/dass sy sich bessern/vnd mer den gemeyn-
en man vnd leyen/wan die psaffen. Vrsach/sy haben
ein Sennet/darin man sy gnugsam ermanet ab zustellē
ir böß/schönß/sündelich leben/vñ zum dickermal mit
penen von der oberkeyt darauff gesetzt das zuhalten/
hilff nichts/sonder der oberkeit nach geredt/vnd sren
vbermüt geprauchet. So nun sich parlich ist ire böß-
heyt/vñ nit allayn irer,sonß irer schönßden belg/durch
welch vil lasters vnd vbels entsteet in gemeynem voll
wissent einem yegklichen frommen psarhern/auch ge-
nugsam am tag geprauchet durch ander/laß ich pleißē
Aber vß der bößen psaffheyt zuschreyben teütscher zün-
gen/so dan mein predigen gewesen seind/mit dē Euan-
gelio Bezeitigt/wie die zum teil geschehē seind/dadurch
ich die psaffheit bewegt/der warheit halb hab zusch-
ten wider die warheit/wissent den gemeynē volck zu
Speyer/mit daß etwas neues von mir geprediget/odß
fürgehalten sey dem volck/sonder auff meiner altē lere
verharret mit dem Euangelio. Aber die bößen stuchß
psaffen an tag gelegt angesehen den gemeynen man vñ
fraw vbel zuuerhüten/welch die psaffen der warheit

Ezech. iij.

Joan. xij.
Act. v.

Eede. viij.

halß mir verkert hand in dz aller bösest/so in möglich
gewesen ist / was ich aber gesagt hab in der kirch/vñ
anderßwo/red ich noch auf disen tag/weñ es die war
heit ist/da von ich oder keiner weychen soll/es kost im
schon leyß oder leben/soll er nach der gottes eer strebē/
vnd nachvolgen dem herren Jesu chusto/der von der
warheit wegen durchheet von den Schuffigelerten
ward/vnd auch die heyligen Aposteln nach im. Also
noch auff diesen hewigen tag von den geyslichen ge
schichte mere/dann von den weltlichen/das an mir ist
worden scheyn / weñ das wissent ist gemeynem volck
der Stat Speyer/das ich hab than/vnd ich schuldig
gewesen von meines amptes wegen/ den leyen heretig
lich gestrafft/das sy für gut genommen hand. Aber als
ich kommen bin auff die pfaffheyt zu straffen/die selbi
gen vñ jr schndes gesind/haben sy sich gestreñde wie
ein böser hunde thut/so man im nie seinen willē lassen
will/weñ sy achtet daß got entschlassen sey/dieweyl er
jre bößheyt nit strafft zuhandt/sond auffenthelt/ist sei
ner barmherzigkeit schuld/weñ er wartet der zeit/das
die leyen baß erkennen daß die pfaffen/wiewol der ge
meyn laye wirt gemacht zu einem affen/vō wegen der
bößen pfaffen.

¶ Zum ersten hörent zu/es hat sich Begebe vō mei
ner pfarr wegen/nit alleyn angesehen mich/sond man
chen fromen priester/der schweygen muß/weñ nit yeg
liche sölschs geschichte ist. Aber sölschs hat mir gezimpt
von wegen der gerechtigkeit / auch von meiner pfarr
wegen/das die arm kirch nie kum in abgant / als sy
dan lang zeit vor gewesen ist/singens vnd lesens halb/
auffgeyß der pfaffen/vñ nit allein in meiner pfarr/son
der in allen Steten/wo Stifte seind/da gant die pfar
ren ab mit singen vñnd lesen / das hernach baß an tag
kumpt/als es allen pfarrkinder wol wissent ist/wenn

an solchē outē keiner pfarie sein will on ein Vicari zu d
pfari/da vō er mer nutz het dan vō der pfari. Dieweil
nun billich ist nach gödlicher ordnung(ich sag nichts
von mēschlicher sagung)daß ein yder priester/der got
nachvolgen will ein pfriünd haben soll/davon er sein
leibs narung haß/vñ mög verbringen die gotes dienst
in seiner kirchen fleissigklich vñ ordelich/nit da vō eyle
vñ einer andern kirchen zulauffen/dadurch in keyner
nichts rechts geschicht durch Got/sonder durch des
pfennings willen/das kñpt alles vō Romanisten die
mer pfriünd habent wan sy verdienen mögen/als her
nach daß außgelegt wirt/das habē nun auß mēschē
sagungen angenommen die grossen pfaffen/die allen ze-
henden der kirchen vñ nutzūg nement. Also daß die ar-
men pfarikirchen zum merer teyl mit Capplen ver-
sehen werden/wen sy die snen incorporiert haben/vnd
lassen kein kirchen mer kōmen zu frem gūt. Es ist dar
zu kōmen/daß sy dē pfarier dingent an/dz er nit sey ein
Luthers man/sy wöllent im sunst die pfari nemen/dz
ist bey vnsern eltern nie gehört worden/das man ver-
halten soll die warheyt. Darumb der arm mann muß
schweigen so er redē solt/er fürcht man setz ein andern
auff die pfari/er denckt es ist weger in die hell getracht/
wan darin gerandt/ich will gemacht thun/vñ bleiben
bey dem grōsten hauffen/sehend zu/dz seind zum teyl
der zeyt vnser pfarier/darūß die warheyt verschwigē
bleyb/ist das nit jamer vnd not/das man solchs sage
soll vō der Christusheyt/vñ von denen beuor die da wiß
sen sollen dz Euāgeliū/aber mit gunst vñ ander gaben
habē die dz Euāgeliū sollen skünden geblēnt/das in
die welt lieber ist vñ zeitlich gut/wen gotes hulde/dar
vmb sy verflucht seind hie vñ dort/wenn sy nit suchen
was des herien ist/sonder frem eygen nutz/wen auß ar-
mut der pfarien zum dicker mal vō etlichen von leyp-
licher narūg wegen skauft werdent die wīrdigen sa-

Matth. x.

Joan. x.

Zu. xxi.

Deut. xxxij.

Zu. vij.

Gen. xliij.

Psal. c. xij.

crament/das wider das Euangelion ist/ sy rechnen es nun für ein gilt/wan der pfarrer an manchẽ ort nichts hat/vnd ist in also geliehen die pfarr von seiner oberkeyt/die essen den kern/das er die schäfflein scheren soll/vñ inen kein woll lassen wachssen/das sy so bald auff erdtrich kommen/nackter vñ bloß/nit betleydt werden/also biß sy zu frem end komend/das sy deste leydelich er haben den weg zum hymelreich/das nun geschach so die schäfflein solchs in gedule litten/so sy aber erkennen des herten geyzigkeit/achten sy es sey sein schult/das zum teyl war ist/aber mer d oberkeyt/ ließ die oberkeyt dem pfarrer dz in gehört/die schaffer vngeschoin ließ/wen es in nit not were/het er seinen zehenden von denen die vnder in seind/wen er der ist/der in verdienet/oder geß in darvon seine leybs narung/möcht er aber bestan/Was ist aber der oberkeyt entschuldigug/wenn das sy sagen/wer mich oder ein andern gebeten haß anzunehmen die pfarr/sey es mir nit gefellig/möge ich es wol lassen gut sein/vñ einen andern nartē lassen pfarrer werdē/der nit so vil darnach forschet. So nun das geschicht/vñ er der nutzūg innen wirt/so rewet in sein gelt dz er außgeben hett den schreybern/siglern/vñ andern/auch die pens so er dauon geben soll/er maint es were in durch got geliehē/so muß er gelt dauon geben/vñ muß er geschafft haben vmb sunst/so vñdsteet er mit einem andern zutauschen/od vkaufft die gottes gab/das er seines schadēs wider ein kñpt/dz ist denen bester lieber/die auch gelt dauon empfahent/keme alle tag ein newer pfarrer/so hetten sy bester mer nutz/keinē were leydt/das sein binder betrogen würd/so er dz weiset offensarlich/dz ist an mir wordē offensar in allem betrug von der geistlichkeit/sy wenden dz Recht vmb/als ein boß kugel/welchen weg man kñpt/so haben sy recht/es sey od nit/niemāz darff als sy achte vñ ist gewesen bißher. da wider redē/dz het got d her nit witter

wölle vertragen/man weiß wol was ein pfari haben
 soll/dieweyl die kirch genant wirt ein pfarkirch/dz ist
 ein jeelsorgüg/wo aber sölschs vñ hütet wü d vñ denen
 so den zehende nemē/als zu Straßburg geschēhen ist/
 habē die löblichē Fürsten vñ herē fren pfariern geben
 cōpetenz/daf sy mögen lugen irer kirch die in vñ inen
 beuolhē ist/darüß sy zulobē seind. Es ist keyn pfari zu
 Speyer dan der Thumb/dar in d gāz zehent selē/sole
 billich der selb pfari die andern in der stat zu knechte
 in seiner kost mit zimlicher belonüg halten/so werē die
 selbigen Capplen d inuestitur ledig vñ loß/dieweyl es
 nichts dan Capplen seind/man nimpt aber dz gelt vñ
 inen/wei es ist d oberkeyt nutz/was wöllent sy/ob der
 Teuffel hieren vñ schaff miteinander holet/dan sarent
 sy hernach gar mit grossen schall/Althernach/allher
 nach/damit wirt die hell voll.

Luce.vf.

¶ Zum andern so wissent/daf ich mein volc sö-
 lichs ermanet hab/vñ als ich als vor gemelt ist ange-
 bracht meynē gnedigen herē/der dan willig gewesen
 were mir zuhelfen zu einer cōpetenz/ist er vñ derweisen
 worden vñ den grossen pfaffen (nempt es nit für vbel
 ließen heren/daf ich euch schilt gross pfaffen/wei ich
 sölschs macht hab/ich bin erer genos/den sölschs ge-
 lust zuersarē/mag dz thun ich sals im zeigen er wölle er
 het es nie gethan/dz mag mancher fromer priester nie
 thon/wie wol er dannocht gelert gnug ist/vñnd im
 vil wider dries geschicht/nach dennocht muß er dar
 zu schweygen/das thun ich nit/keyn hoffart darin er-
 zeygt/sonder göelicher lere auff enthaltung/vñnd der
 vngerechtigkeyt niderdruckung. Die antwort ist also
 gewesen/es sey zu Speyer nit mer dan ein pfarkirch
 das sey der Thumb/da sollen die pawern in gan/vñnd
 die andern kirchen seind Cappellen/vñnd die pfariern

machen sy selbs/vñ geben jnen den namen daß sy pfar-
rer seind/lesent den Luther was jr seyt für larten / bese-
hent es recht was eyn Seelsorg sey / was geet es mich
oder ein andern an/daß jr ewer Bosshet treybē wöllēt
vñ euch behelffen der menschen sätzung/so jr der nach-
kement/als billich were/der gerechtigkeit / so würdet
jr nit also handeln/jr verstande die nit als der Luther
da von sagt. Ich sagt/ mein pfarr ist außser der Stat
Speyer/in der Vorstat/es gilt gleych/es wer dar vor/
oder darin in der stat Speyer. Wer hilfft dann denen
die in der Vorstat seind zunachts/so es not ist/als nun
geschehē ist/so der pfarrer keyn hauß het/weder außser
der stat/noch in der stat/soll er an der gassen lygen/vñ
warten als ein schaftrüd. Ein yeglicher pfarrer soll ha-
ben ein hauß/das frey sey/mit zinspar/dz ist zu Spey-
er gar verkert/an manchē pfarrhauß muß man geben
vil zins/alle bűberey ist von den pfaffen auff gestandē
verstande die geizigen pfaffen/wañ sy wöllent es gar
fressen. Also hab ich auch keyn hauß zu meynen pfarr
gehebt. Hertz zu du gemeyner man/ich mayn nit die ge-
schrifft gelerten leyen/vñ die sün habē die pfaffen seind
vñ mit Bosshet vmbgand/oder esel vñ Curtisan seind
die selben in den Bettel helffent fressen. Darzu ist ange-
bracht / wie mein pfarr alle jar drey pfundt pfenning
gebe/meinem lehen hertē zu sant Germans Stiffe/irē
pfarrer/den sy sunst nit mögen ernerren/sönder dz arm
pfarlin zußeraußen/ das selber nicks hat in gültin/vñ
das opffer abnympt/als billich ist/wenn Got es also
haben will vñ wegen des grossen wuchers/der vnder
den geystlichen ist/welchs sy thunt nennen ein possess/
es mag nit also bestan/es muß anders gan nach keiser
Sigmunds Prophecey. Also heet mir mein gnediger
herr nit mögen helffen/vñ wegen der grossen pfaffen
zu Speyer. Darüb ich hab gesagt/es mög nit also be-
stan zu meinē volck/mit solcher bűberey die pfründen

Hiere. vj.

zueraußen/darumb so der heri kün mit seinen gnadē
 vnd göeliche ordnung angefangt/welcher dan sey ein
 frummer Christen/der soll dazu helfen/vñ keyner sei-
 nes bruders/suns/od anderer freünd die pfaffen seind
 die auff der bößheit verharren wollen/vñ maynen nit
 darvon zustan/schonen/sonder der göeliche ordnung
 nach mit kolßen helfen lausen. Darumb erman ich die
 frummen Ritterschafft/vñ dz heylig Römisch Keych
 solch Būberey der symoney d bösen pfaffen abzuthun/
 vñ helfen meren die gotes ere/aufreütten dz vnkraut/
 das vndertrüct den guten weyzen. Verstande mich
 rechte/das frum/ersame priester nit werden mit außge-
 reit mit den bösen pfaffen. Es hat nun dz vnkraut ge-
 nommen vberhandt/das es den weyzen gar nahe erste-
 cket hat/das sicht man an allen ortē/du gemeyner mā
 du sichst es vor dir stan/nym deines ackers war/vber-
 kumpt dz vnkraut die guten fruchte/sürwar/es ist die
 nit gut. Also steet es in der Christliche kirchen mit den
 pfaffen/dz vnkraut hat genommen vberhand/was die
 warheit ist sagt man/es sey Lutherisch/man hat etwa
 nit also gethan/ist mir wissen/so einer hatt predigt die
 warheit/so hat man es lassen pleyßē vñ auffgenommen
 mit leychem müt. Aber nun so die pfaffen sehend/das
 gotes zorn vber sy komen ist/vñ yderman weyß jr böß-
 heit die so lang verdrückt ist wordē/dadurch vil böser
 Christen auff sein gestanden/vorab mit bedi wucher/
 das sich der Jud solichs befremdet/wen der Christen
 wucherer sagt zu mir. Psarrer sagt mir eyns/dierweyl
 sr mich nit wollen absoluiern/darumb das ich gewu-
 chert han/ich geb dan solchs wider/dē ich es vnrechte
 abgenommen hab/als auch Zachens hat gethan. War-
 umb gibst dan auch nit wider d pfaff/dz er gewuchert
 hatt mit seiner symoney vñ vil/oder wenig pfünden/
 er sagt/wer sm sein gut nemen will/dz er hab mit rechte
 er mög dz thun/vñ sey sm erlaubē vnder dem dach zu-

Esai. f.

Esai. f.

raußen/das vermög sein Decret. Warumb hat dann
der Papsst nit auch den Layen geben ein solich Recht/
weñ mancher in frembde landt fñr/gñt zugewinnen/
vnd so er das vbertumpft/soll er es dann widergeben
dem der es nit geschickt hatt an gewinne. Pfarier/ich
halte gar nichts da von/ist es dem psaffen gesunde/soll
mir auch also sein/habent euch erwer hymelreich/kñpfe
der geyzig psaff darin/hofflich kñm auch darin/weñ
ich wagen muß zum dicker mal leyß vnnd leben von
meins gñts wegen/so der Symoneisch psaff bey seiner
hñbschen magt lygt/ist dz nit schand vñ laster solchs
von der Chriſtenheit zuhñren/vnd bewoñ vñ geistliche
die das myñß solten treybē dñ wir layen. Ir wißent
daß geschueßen stet. Welcher zeylich gut hat/vnd se-
hen ist seinen brñder in nñten/vnnd ist im nit zustaten
kñmen/wie ist die lieb gotes in im/vnd welcher nit lie-
bet/der bleybet im todt/weyß ich nichts besonders dar
aufzunemē/dañ daß ic psaffen seind des Teuffels hie
vnd dort/die geschufft lieg dñ/die mit solchem geyz
vmb gand/dar auff gan auch Jud vñ heyd mit mir.

¶ Zum Dritten ist zuwissen/ daß auß solchem ent-
springt vil vñels in gemeynem volk/die weyl sy es vor
in sehent / daß mancher frñmmer Psester in der kirchen
groß arbeyt hat/der muß essen die spiewer mitsampt
den ackerspñden/die den habern im self barwen muß-
sen/vñ wirt in gar nit zuteyl / sonder die Symoneische
psaffen mitsampt iren hñbschen weybern / die fressent
den kern/vnnd thun gar nichts darumb/wann daß sy
inen selben nñß seind/vñ die ganz Chriſtenheit durch
sy wirt geschent/also nun furbaß hyn wirt es/daß kein
rechter glawb in der Chriſtenheyt wirt sein / man reißt
dann auß solichs vnkraut mit den wurzlen frey/ die
wurzeln des vnkrauts seind die faulfressigen psaffen
megt/da vñ alles vnglück den Speyrische kumpfe/ an

leib/ seel/ eer/ vñ güt/ welcher dz baß erfahren wil/ der sey
 ein jar zu Speyer ein pfaßentknecht/ so wirt er söllichs
 vñd mer innen. ¶ Daß ich weyter sag von pßaffen
 mekten zu Speyer auff dem Wydenberg zum teyl w3
 sy nugs geschaffe hond. Es begab sich auff ein Son-
 tag/ als das Euāgelion was/ das vns beschreybt Lu-
 cas am. x. Es waren sich nāhen zu dem herren Jesu
 die offne sūnder/ vñ heymliche sūnder/ daß sy in hōrē
 Nun achtet ich die pßaffen mekt weren auch darumß
 da/ wenn sy nit waren mein pfarkind/ ich nam es im be-
 sten an/ vñ gedaucht sy gehōrent nit zu dir/ las inen sa-
 gen iren Creutzherren/ der soll sorg für sy tragen. Die
 Phariseyer murmeln wider den herren Jesum spie-
 chent/ Er nympt auff die sūnder. Die Phariseyer wa-
 rent nun vnderthan/ es nam sy gar vil wunder/ was
 die pßaffenmeyd zuschaffen hetten in irer kirchen/ vil
 wunder nam es sy/ daß ir pfarrer inen nit eyns in das
 liecht gab. Dieweyl sy wisten daß er es mercken was/
 daß sy auff keyn guts herauß auß der stat gangen wa-
 ren/ wenn es nit kirchwey was ablaß zuholen/ sonder
 daß sy berauß möchten die vñdthanen ihres pfarrers.
 Der ander schad den sy haben gemacht/ ist der kirchen
 das meniglichem wissent ist. Nun habē sy söliche dar-
 vñß geihan/ daß sy fürchten/ sy wūden vertriebē vñ
 iren pßaffen von meiner predig wegen. Nun hōrent zu
 was ich vñ iren pßaffen hab gesagt/ es ist die warheit/
 als ich hoffes werd bald war/ von irem geyz zum me-
 rern teyl/ anzeygt in meiner pfari/ was darin geschicht
 Es ist ein armes pßründlein genant/ ein Frümcklein/
 hat iars fallen bey. xviij. R./ der es innhat/ nympt iars
 da von. i. R. absent/ vñ thut nichts darumß/ das vñzig
 ist/ gibt er einem andern/ der im sein Actus ist verseht.
 Sehent nun ir frummen chrißten/ dieser darff kein sel-
 sorg tragen/ vñ soll das in absent habē/ vñ der pfarrer
 dieser kirchen hat nit das brot/ das mag im nit fleyßē/

es wirt sin genomen/wie wölt das Got vertragen/es
ist der oberkeyt schuld vñ sres geytz wege/man nimpt
gelt vñ lasset die kirchen vnuersehen/wen die messen
werden nit gelesen als sy söllent/vñ auff die tag vñ sy
gestiftt seind/das heysset der die Absent nympt/das er
besser mer haben mög. Es kumpt alles von Romant
sten/vñ den bösen chusten/sy finden söliche nit in gölli
cher sätzung. das beweisen vns Apostolorum Actus.
Thun die weyl ich kōmen bin auff die Kurtisan mit dz
vil pfründen / auch zu Speyer auff dem Wydenberg
seind/mitsampt andern sten pfaffen. Die Kurtisan ha
ben sich geflissen/das sy vom Rom erlangt haben die
Canonicat/vñ lassen sich zum teyl daran nit benügen.
Hört was der Kurtisan weyter thut Pfaffhans Schley
er hett sunst vil pfründen dar zu/vñ eilich in der stat
Speyer/ist eytel büberey / zwō oder drey megt das ey /
also verzert er vñ ander den bettel frey/sy seind niemāz
nütz dan zur büberey sölich verlorn pfaffen / wen sy dz
nit verdienē mögen/kein andacht sy dar zu hand/son
der von sres nutz wegen/so lauffent sy von einer kirchē
in die ander / wo die pfaffen besser ist lauffent sy gar
schnell/sy seind kaum hynein kōmen lugent zu/so ist in
wider nöter hynauß das sy zu d Prim kōment. Seind
sy verhyndert worden/das sy den pfenning haben ver
saumt/sr yetweder sitzt herauf / vmb Gottes willen
gieng er nit hynein das er ein vers sing / er ist in selber
gram/das er so lang (dunckt in) bliben ist in d pfarr /
fürwar/ich will es nimmer thun/das ich dem pfarrer
als lang heil/wen ich dardurch versaum meyn pfen
nyng in der Prim. Zug zu pfarrer das du nit mitgesell
seyest/vñ dir nöter sey dan andern. Also sehen sr/das
gotes gab so schnödigklich wirt angelegt/es wirt mit
Feyner andacht verdienet. Darumb ich hab gesagt/dz
wesen das vnder vns sey/ist zubesorgen/das Gott der
herr mer erzürnet werd/wann gelobt/es wer gut das

man sm thet mit solchē pfaffen/wie Keyser Sigmund Concilium Ba
sage/man thet sy zusamen/wie man andern münchen filiense.
thut/das zeygen an ire schwarzē kutten/vñ ließ sy auß
eynem hasen essen/vnd hieß sy die Bibel lesen/wenn sy
selten an die predig gant/wen was ir megt in predigē
da heym/vñ ließ sy auff dem Dormitorio schlaffen/vñ
geß dem pfarrer ander Lapplen mit iren pfründen da
bey sy möchten bleyben/so möchte der pfarrer sein ding
ordenlich vbringen. So aber nun die pfarkirchē seind
verschmecht vō münchen vñ von pfaffen/die got der
herz in selber hatt außerkorn / da mit hab ich den arß
verbreit/wen sy achten sich besser dan ander / sy seind
niemantz nütz dan in selber/ich sag vō bösen pfaffen/
so man Tausent Choresel zusamen thet/vñ ließ sy heil-
len zu zeitē als geschicht wie die esel in d mülen thunt/
ist wissen meniglich/ so were Keyner vnder in der seel-
sorgetragen möge oder kōnd/ hab ich nun gelogen/sy
seyen niemāt nütz dan in selbs/wōlt got daß sy in selbs
nütz weren/sy seind in selbs auch keyn nütz dann klotz
in die hell zugeben/vnd frum lewe mit inen zuuerdir-
ben/an seel vñ leyb. Das solt man nit gestaten/sy wan-
delten dan ir lebē. Der nun vō solchem sagt/den wollē
sy haben todt/vnd vorab dem pfarrer werden sy nym-
mer hold/darūß die warheyt wirt verschwygen vmb
des opffers willen. Darumb hab ich auch gesagt/wie
wol ich ein pfarrer gewesen bin/es wer gūt, daß man
solchs abthet/vñ die pfarrer kein opffer hetten/vñ mit
pfrunden versehen weren / es ist verdammuß der seel/
syn vñ gedanken standt manchem drauff/vnd ver-
giste sein selbs/ist alles vmb das böß gelt zuthun. Die
vier opffer fall man geben/weyter ist niemantz zwun-
gen/vnd wa eyn solcher pfarrer ist/so seind im die an-
dern gehaß/sy standt im fur mit Worten vñ wercken
gegen andern leuten/daß sy im auch werden seynde.
Du solcher pfafflug was Esaias sagt. cap. xlvij. Die

Isaie. vj.

palster vñ wegen ierer trunckheyt zc. Auch am. xlvij.
Ir die da schwuren in dem namen des herren vñ des
Gotes Israel. zc. Vñ besich hernach Jeremiam. c. ij.
Wiß vñd sich daß es böß vñd bitter ist verlassen habē
Got deynen herren vñd sein forcht nit sein bey dir/diñ
spricht d̄ heri der streypterkeyt. zc. Besich es recht du
verlorner pfaff/gesichstuñ nit/heß dir dein magt bil
len leyhen/dañ so wirstu mynder gesehen/das ist das
dir der heri sagt durch den Propheten Isaia. Ir wer
dent hören/vñ nit verstēen/vñ werden gesehen vñ nit
sehen/wañ diñs volcs hertz das ist gemest/dañ sy nit
jren oren schwerlich haben gehōit/vñd ire augen zuge
chan/dañ sy nit sehen/vñd mit den oren gehōrend/vñd
mit dem hertzē nit verstanden/vñd bekerend sich/dañ
sy selig werden gemacht vñd mir/spricht d̄ heri. Besich
den Propheten am ersten cap. Das geschicht nit von
wegen der pfaffen megt/die seind dē bößen pfaffen lie
ber dan die Bibel. Sy lassen auch sy nit lesen Paulū/
der sy trewlich ermanet zu den Corinthiern in seiner er
sten Epistel am. vj. cap. sprechen. Wissent jr nit daß
die vngerechte nit werdēt besitzē das Reych gotes.
Lis es fürbaß/so findestu was dein leben ist. Darumb
solteu so du gestrafft von deinem Bruder wüßst/jm nit
also mit mutwillen entgegen gan/vñ deinem heftlichē
gelben Balg dienen daran/die warheyt wōllen nider
erucken/mit gewalt wider alles recht/du wüßts mit
der zeyt innen/du wōltest/du hettests nit gethan. Got
wacher/so du in sünden schlaffen bist/der wirt dir vñ
deinem Balg alles vergeltē. Darumb so volgent ir die
biger dem herren nach/vñd verhalten nit die warheit
Straffen die bößen pfaffen/es thut not/vñd reitē
aß des vnkrauß wurzeln/dz seind die pfaffen megt
vñd kumpet dem Euāgelio nach Matth. x. Cū perse
querētur. So sy euch durchcheitē in einer stat/so fliehē
in die ander Biß der heri kumpet mit seiner straff. Das

Bedenckt jr paffen zu Speyer / besonder die auff dem
Wydenberg vnd volgent meinem Rath. werdet jr dz
nit thun / fürwar es wirt euch leyde. Da bey laß ich es
diß mal pleyben. Hernach kumpt mit der zeyt weytter
straff von mir vber die bößen pafftheyt / wann was ich
vormals in meiner kirchē vnder dem tuch hab gesagt /
schreyß ich auß offentlich antwurt darumb zugeben
vor vnserm allernedigsten herre dem Römischē Key-
ser / Fürsten vñ herre / da dan einem Recht mag ge-
deyen. Das geystlich Recht ist zumal kranck / vñ
wegen der personen. Wann mancher boß-
wicht ein Richter vnd Official ist / auch
die Fürsprechen / das geschicht von
gunst vnd gelts willen. dz wöll
Got baldt wenden seynes
Christglawbigen vol-
cks halben.
Amen.

1872







